

kipawl na khat sungah kipawlkhawm thei a, lawng khat in ging in, minam maban ih kalsuan zawh leh Zomi-te dinmun a kitawisang zo ding ahi hi.

Agelh: Thusapi
Zomi Innkuan USA

=====
Endikpa' laikung pan:
(Editorial)

Zomi Innkuan USA leh Leitung bupa Zomite maban

Tunai kum 4-5 a kipanin Zomi Innkuan Leitung mun tuamtuam ah kiphuan khia ziahziah a, tu-in Leitung gam 11 ah Zomi Innkuan kipawl na om khin ta hi. USA a tung Zomite zong kikaikhawmin 2005 kum May kha 26 ni-in Zomi Innkuan USA pen Hollywood Florida ah g kiphutkhia hi. Tuni ciangin US gam sung mun tuamtuam ah Zomi Innkuan hong kibehlap ziahziah a, hih anuai-a bangin kimu thei hi:

1. Florida Zomi Innkuan (FZI), Florida gam sung
2. Chicago Zomi Innkuan (CZI), Chicago gam sung
3. Zomi Innkuan DC (ZIDC), Washington DC kiim
4. Zomi Innkuan Portland (ZIP), Portland- Oregon
5. Zomi Innkuan Indianapolis (ZII), Indianapolis gam
6. Zomi Innkuan Iowa (ZII), Iowa gam sung
7. Zomi Innkuan Texas(ZIT), Texas gam mun tuamtuam
8. Zomi Innkuan Dumas- Texas, Dumas khua sung teng
9. Zomi Innkuan Columbus (ZIC), Columbus-Ohio gam
10. Zomi Innkuan Jacksonville (ZIJ), Jacksonville-Florida
11. Zomi Innkuan Arizona (ZIA), Arizona gam sung
12. Atlanta Zomi Innkuan (AZI), Atlanta, Georgia gam
13. Zomi Innkuan Utah (ZIU), Salt Lake City- Utah gam
14. Zomi Innkuan Oklahoma (ZIOK), Oklahoma gam

Hih a tunga gam leh khua kipawl na teng miaimuai pi tawh a kialsuan hi a, sepkhiatzawhna bangmah pi a om nai loh hangin sem zo leeng maban limci mahmah a nei i hi gige hi. Zomi sung veve, Falam, Hakha, Mindat teng tawh tuat in zong mun khat ah kipawla thu le la a vaihawm theih ciang i hihna hong kilang ta a hih manin a lungdamhuai mahmah thu a hihi.

Tu kum sung ZIOK te pulak khatna leh ZIUSA ii tawsawna tungtawnin Leitung bup huam ding (Kawlgam sim loh), tuipi galkai Zomite vaihawmna (umbrella) khat nuai-ah tu khawm khawlkhawmin Zomite leh Zogam khantoh nading, Zomi mimal te gamthak ah a tungcil i hih zah khatin i haksatnate ah kihuh kipanpih theih nading, nopna dahna thute ah kihuh ki-uap diamdiam thei nading nei ta i hih manin innlam Tunnu Zogam in i kalsuan zia hong theipih leh pawh, a lungdam luankhite i theih loh kalin gialbangin na na kiakia dingin ka um hi. Zomite thu le la khat peuhah takkheh! sa-in diang thei ta ding, tuibangin luang khawm thei ta ding i hih manin manpha mahmah hi. Mimal khat le nih tha tawh i vaihawm zawhloh, a hih hangin i pankhop cianga haksa lo taka i zawh theih ding

thute zong Kawl mang, Vai mang zakdah loin i sep theih tampi hong om ta ding hi.

Gentehna khat tawh gen leeng, tu-in a kipan ciil bel hi sam hangin Leitungbup Zomi Innkuante Kipawl na (LZI) zong i

neih a kipanin minam adingin a hoih khat i hih zawh a hih khak leh ci-in "Sisan tawh honkhia in" cih a bulphuh Kawlpi-a ZYA (Zomi Youth Association) te' hanciamna phungvuh dingin kigela Pasion hehpihna tawh Leitung muntuamtuama om Zomite' tha le ngal leh khua-ul sa tawh cina puakna mawtaw khat a kileisak thei ding hi ta hi. ZYA makai pawlkhat zong a mawtaw a thak mah kideih a, tua a va en/ zong dingin Mandalay ah na na zinsuk ta uh hi. A sawt loin ZIUSA leh LZI makaipi Dr Chin Do Kham Kawlgam va zinin mawtaw thak Pasion tungah apna zong va nei thei ta dingin Zomite' kipumkhatna in na lianpi a sepzawhna hong kilang ta ding hi. Hih pen Tung Sianmang in hong thukimpih dinga a kiatna hi pan ding hi. Mailam ciangin mun tuamtuama om Zomite kikumin i pianna Tunnu Zogam ading bang sem thei ding i hiam, cih kikum khawm liailiai-in maciang suan khawm leeng, Rev. Tuan Khan Mung in "Tunnu Zogam lobang tul ding ka phallo" ci-in a na phuah mah bangin i Zogam in tul hun nei nawn lo dinga Zotate zong i tenna ah Tung Sianmang leh Tunnu' thupha sangin gual tawh tanbang i kimin kal i suan thei ta ding hi. Tua hun pen tu-in a kipan pan ta hi a, mailam hun ah hong nopci mahmah lai ding hi, ci-in i sunmang ah gel ciat ni. Tha saan ciat ni.

Hong siam Pasion in Zomi Innkuan USA leh Leitung mun tuamtuama Zomite i kipawl nate kum za tampi phuhbang hong khosak den ta hen. Amen.

Zomi Innkuan USA Gambup Kumcin Khawmpi
Muakna tawh ...

Vung Lian Mang
Chieft Editor
Oklahoma Taangko, Tulsa, OK

TUALSUNG THU TUAMTUAM :

Tulsa leh OKC in sumbawl haksatna do zo

US gam sung khuapihuam teng khantohzia a enkhia den, Brookings Institute te suaksakna dungzui-in US gam sungah sumbawl na a haksatna mun khat leh mun khat kibang lo a, tu kum 2009 kha masa kha thum hun sungin sumbawl na a khauhpaui pen na gamte hih anuai-a bangin amau hong lakkhia uh hi.

1. San Antonio, Texas
2. **Oklahoma City, OK**
3. Austin, Texas
4. Houston, Texas
5. Dallas, Texas
6. McAllen, Texas
7. Little Rock, Arkansas
8. Baton Rouge, Louisiana
9. **Tulsa, Oklahoma**
10. Omaha, Nebraska

Hih Oklahoma Taangko pen Zomi Innkuan Oklahoma panin kha simin a kihawmkhia a hihi.

BIAKNA LAM THUTHAK TUAMTUAM :

MCC vaihawmna tawh Revival CAMP nuamtak kizo

Tulsa khua-a Myanmar Christian Church te makaihna tawh Khua khal sangkhak sung phual sat (Camp nei) a, Pasian thugenna nei uh a, July 3~5 sung Sapulpa ah nei ding cih thu kiza hi. Tua munah LA panin Rev. Ricky Hla leh a lawmte, Lasiam Ko Htun Htun kihel in va kihel thei hi. Kawlgam panin zong Doctor of Divinity ngah thak, CLC (Christian Literature Center) Director, Rev. Jacob Kham Khan Mung te nupa zong va kihel thei hi, cih thu Makaipi, Rev. Dr. Kham Khan Khai ii thu suahsakna panin kiza hi.

MUM te Leitung gam tuamtuam khawmpi om ding

Myanmar Uplifting Mission (MUM) te vaihawmna tawh Leitung gam tuamtuama ZBCM pawlpite in Pasian min tawh 2002 kum a kipanin i minam ading na lian sep hong kipan uh hi. Kum simin Tan 10 dong lai hat Zomite' suan le khak laisiamte pahtawina nei den uh hi. Tu kumin zong tan sawm zote pahtawina ngah ding khat om hi. Tutungin UK panin Rev Dr Gin Khan Khual te innkuan hong kihel thei ding uh a, khawmpi pen July 24-25, 2009 sung om ding hi.

MZBC ah Revival Crusade om ding

Mangkang gam UK panin Rev. Dr Gin Khan Khual te innkuan MUM khawmpi siimin US hong zin ding uh a, MUM khawmpi sung nitak simin July 23~26 sung biakpiak kikhopna om dinga Sia Khual leh US gam sung mun tuamtuam pana hong siate in hanthotna hong nei ding uh hi. Khuapih tuipih a kuamah peuh hong uap in Pasian phat khawm dingin MZBC makaite lam panin hong zasak uh hi.

Florida BAG pan Gospel hong pai

Tu kal July 10~12, 2009 sung Florida Burmese Assembly of God pawlpi khangnote Rev. Do Sian Pau te nupa makai-in Tulsa ah gospel hong pai uh cih thu kiza hi. Nipini Far East Mission Church ah hunzang ding uh hi, cih thu kiza hi.

Pate Ni nuamtak kibawl thei

Tu kum Pate' Ni pen June 14 in pawlpi tuamtuam ah kibawl hi. Pate tungah lungdam kohna ahi zongin, Pate pahtawina kammal leh letsong van te ahi zongin Pate zahtak zia ding kigen tangtang tek a, manpha kisa mahmah hi.

ZOMI INNKUAN TAWH KISAI THU THAK Zomi Innkuan USA khawmpi nuamtak kizo

Tulsa, OK, July 4, 2009: Kumsima a kinei den a hi USA gambup Zomi Innkuan khawmpi pen tu kumin Tulsa, OK ah hong tung kik hi. Nung kumin Tulsa, OK ah a tung hi a, USA gam sung mun dang panin zindo ding ngetna om lo ahih manin Zomi Innkuan Oklahoma in thukhualna tawh inntekna a la kik a hihi. Tu kum pen zin le leeng zong kumdang sangin tamzaw a, khual panin mi 150 val bang hong pai thei uh hi. Bawlung sui ding bekbek pen khual panin team nga

hong kihel thei a, inntek ZIOK te angtang mahmah uh hi.

July 3 ni-in zin hong kitung a, July 4(Kiginni) zingsang nai 8:00 AM pan kipanin khawmpi nuamtak kipan thei hi. Khawmpi sungah tulai taka gambup ZIUSA Board Chairman, Dr Chin Do Kham in vai-dawn thugenna nei masa a, a munmuna Zomi innkuante in amau kalsuanna tek zaksakna report hong pia uh tek uh hi. Board Thusapi TaangGo Sawm Khup in zong ZIUSA makaite kum khat sung nasepna kicing takin lai tawh hong hawmin thu pulakna hong nei hi. 2008-2009 kum khat sung nasep ding gelna tampi kinei a, committee tuamtuam panin reportna zong hong nei uh hi.

Khawmpi panin hih anuai-a bangin thu kikapna leh khensatna kinei hi:

1). Abeisa kum sung Kipawlna a makai Board of Directors pawl Chairman leh Secretary deihsakna tawh **Kipawlna Kivaipuakzia (Organization Structure)** puahphatna bawl ding thu sung uh a, khawmpi sungah Kipawlna Kivaipuakzia tawh kisai in, Zongaina inn sung panmun kigualhna sung a haitawi tanu kigualh dan zui-in, Kipawlna maban khempeuh ah ma apang ding, asem abawl ding (execute), a tanu ding leh Kipawlna a makaih ding in Makaipi pawl (Executive Committee) khat Khawmpi akah mipi in teelkhiat dingin kithukim hi. Executive Committee sungah panmun (9) gualh dingin kikhensat hi. Makaipite (Executive Officers) septan pen kum (2) dingin kikhensat hi.

2. Zongaina inn sung panmun kigualhna sungah a thuneipite ahi inntek bangkua a om bangin, Kipawlna sungah Kipawlna in ahuam Zomi Innkuan kipawlna tuamtuamte in inntek a tan' theihna ding leh a thuneihna uh a kilatna ding in Tangmi pawl (Representative Body) khat a omna dingin kithukim hi.

3. Kipawlna' Board of Directors (Innpi Vaihawm pawl) sungah Makaipite (Executive Officers) pawl leh Tangmite (Representatives) pangkhawm ding a, Makaipi pawl in thu leh la vaihawmna leh sepna bawlna khempeuh ah makaihna (initiative) la in, thu khensatna (decision making) tawh kisai in Board of Directors pawl buppi in thu a neihna dingin kikhensat hi.

4. Kipawlna in ahuam Zomi Innkuan kipawlna tuamtuamte panin, pawlmi mimal phazah tawh kituak in, Board of Directors pawl sungah panmun alen ding Tangmite (Representatives) kipuakciat ding hi. Pawlmi mimal (100) leh anuaisiah a phate in Tangmi (1) puak thei ding uh a, pawlmi (100) pan (200) kikal

aphate in Tangmi (2), pawlmi (200) pan (300) kikal aphate in Tangmi (3) cih bangin Tangmi (Representative) puak ciat dingin kithukim hi. Tangmite septan pen apuak kipawlna tuamtuamte seh tantan dingin kikipsak hi.

ZIUSA khawmpi tawh a kithuah ZIOK bawlung kidemna nuamtak kizo

Tulsa, OK, July 4, 2009: Tu kum ZIOK te inntek in USA Gambup Khawmpi Vaimuakna tawh bawlung kidemna kinei a, Tulsa panin team 3, Oklahoma City panin team 1, khual panin team 5 hong kihel thei hi. Khual pan in bawlung asui dingte in Team khat ciangin lutman \$150 khia uh a, inntek ZIOK Team-te in mimal khat ciangin \$50 khia in zin do uh hi. Tu kumin bawlung siampen team, ZIOK – A team in hong ngah a, USD 500. leh a nihna team ahi, Florida ZI te in USD 300 pahtawina ngah uh hi. A khatna ngahte ‘USA Zomi Communities Cup’ kipia hi. Bawlung kimawl a siampen Pa Go Sian Tuang in ngah a, Goal pang siampen, Tg. Zam Khan Thawn in ngah hi. Tu kum pahtawina Shield leh cup khempueh Burmese Christian Assembly Pastor pa, Rev. Suan Za Lian in USD 280 val bei in hong sii hi. Sia Lianno in khua sungah ki-it kilem sep khop theih nading, bawlung vai tawh kitel khialna a om nawn loh nading deihsakna tawh hih cup te hong kamciam hi a, ama tungah ZIOK leh ZIUSA in nakpi lungdamna nei hi cih, makaite tung panin kiza hi.

ZIUSA Executive Committee 2009~ 2011 makai thak teng:

- (i) Dr. Chin Do Kham : President
- (ii) Rev. Thawng Khan Cin: Vice President
- (iii) Pa Go Sawm Khup : General Secretary
- (iv) Tg. Vung Lian Mang : Asst. General Secretary
- (v) Pa Thang Cin Pau : Treasurer
- (vi) Pa Pau Za Khan : Member
- (vii) Rev. Kap Khan Mang : Member
- (viii) Pa Gin Khat Lang : Member
- (ix) Pa Awn Za Pau : Member

US Kumpi in inn lei thakte Dollar 8000 huhna pia
Tu kum sung Jan 1 panin Dec 1 ni kikala inn lei thakte US kumpi in gam sung sumbawlina a khan theih nadingin huhna 8000 ciang dong pia hi. Hih tawh kisai in a theihhuaite a nuai-a bangin dotna leh dawnna tawh hong kisuaksak hi. (A thei nuamte in Editor te tungah kikan thei hi.)

Leitungbup Zomi Innkuan (LZI) in ZYA huh
March 28, 2009 ni-a Leitung gam tuamtuam 10 val pana Zomi makaite kikhawmin thu kikupna pana LZI hong piang hi. Kal masa dingin Thukhunpi neih dingin

kigela, tua a kisuaihsuaih laitak a hihi. Kalsuanna ah mipi tawh kalsuan leh kizopna lah nadingin Kawlpi-a Zomi Youth Association (ZYA) te ading huhna kidonsaka tu ni ciangdong a sum tangin Ks. 8,500,000. (USD 7800 val) kingah khin hi. Mawtaw khat a lei dingin ZYA makaite zin khin uh a, Dr Chin Do Kham tutung Kawlgam a va ciah sungin a Honna (dedication) va neihsak ding hi. Hih ZYA adingin ZIOK panin zong USD 1,960. kingah sak hi.

Zomi PhD (secular) ngah thak te Pahtawina om ding

Yangon, July 4, 2009: 2007 pana ZIUSA min tawh a kinei, Yangon-a Tedim Association te inntekna tawh a kivaihawm Zomi PhD ngah thakte pahtawina pen kizom kik thei hi. ZIUSA Gambup makaipi Dr. Chin Do Kham Kawlgam a va ciah thei a, 2007 leh tu kikala a kipia kha nai lo, doctor thak 3 te pahtawina piakna zong July 18 ni-in va nei ding hi.

Amaute in:

1. Dr Aye Aye Ngun – PhD in History, 2004 kum
2. Dr Kham Man Niang – PhD in Electronics, 2007
3. Dr Lian Za Khup – PhD in Philosophy, 2009 kum

INNLEI THAK

Heilei khua Nu En Khan Ning te, Tg. Suan Khan Kim te innkuan in nung June 30, 2009 in Jenks sang gei ah inn thak khat hong lei uh a, OT in kilungdampih mahmah hi. A inn a hawh nuam te adingin a address uh pen 433, East E St. & W. 5th St Corner, Jenks a hihi.

NAUNGEK SUAK THAK (June 7 ~ July 5, '09)

1. Naungek' min : **Tg. Cin Tamsang SB Sum**
Suah ni : June 28, 2009 (11:30 PM)
Pa' min : Pa Nang Sian Sum (Tonzang, MZBC)
Nu' min : Nu Cing San Lian

Tulsa Zomi sungah nga ben siam khat om

Tulsa khua ah nga beng siam khat om a, ngen tawh nga khuhin tampi pi man thei hi. Amah in ‘Sa-nga’ mana a veng te kholh ciangin ‘Nga-sa’ suak hi. A sangate pen amau innkuan bek in ne loin lawm leh gual, veng leh pam teng hawm kawikawi hi. Ama' min in Pa Dal Sian Pau @ Pautawng kici hi.

Hih OT thukizakna tawh kisai a kizom nuamte in :

1. Mangpi > vlmang@zomi.net or oktaangko@gmail.com ah e-mail kikhak thei hi.
Tel : 918-906-9274 (Mangpi),
918-948-3476 (Mangsen)
2. Lai na khak nop leh : OT Thukizakna,
PO Box 722 , Tulsa, OK 74101